

# INSTRVMENTVM

*B. M. II, 250.*

NOTARIORVM.

*f. 55, 8*

II n  
3275

## In Sachen Franckfurt

Contra

X 1503410

## Franckfurt /

Die Edition vnd Communication der  
Privilegien, &c. belangend.



ANNO. 1612

Matthia Cæsar VIve perenne Deo. 1612.







## Instrumentum Notariorum.

**I**n dem Namen der Heiligen Dreyfaltigkeit/ Amen. Kund vnd zuwissen sey hiermit/ vnd in Crafft dieses offenen *Libellirten Instruments*, Jedermenniglich/ das im Jahr vnsers HErrrens vnd Heylands Jesu Christi/ als man zahlt/ Ein tausent sechshundert vnd zwölff/ in der zehenden Röhmer Zinszahl/ zu Latein *Indictio* genannt/ bey Regierung des Allerdurchleuchtigsten/ Großmechtigsten/ vnd vnoberwindlichsten Fürsten vnd Herrn/ Herrn *Matthiae* des Ersten/ Erwöhlten Römischen Keyfers/ allezeit mehrern des Reichs/ durch Germanien/ in Ungarn/ zu Böhheimb/ Dalmatien/ Croatten vnd Slavonien Königs/ Erzhertzogens zu Oesterreich/ Herzogens zu Burgundi/ Steyer/ Cärnthen/ Crain/ Wirtemberg/ in Ober- vnd Nider Schlesien/ Marggraffens zu Mähren/ in Ober- vnd Nider Lausitz/ Gefürsten Graffens zu Habsburg vnd Tyrol/ 2c. Vnsers Allergnädigsten Herrn/ Seiner Mayestat Ketschen des Römischen im ersten/ vnd des Bugarischen im vierdten/ vnd des Böhheimischen im zweyten Jahren/ Auff Montag der da war der sechste Tag Monats *Julii* Allen: oder sechszehenden besagtes Monats neuen Calenders/ zwischen ein- vnd zwey Uhren nach Mittag/ zu Franckfurt am Mayn/ auff der Schneider Zunft Stuben/ herunden im Ehren/ oder Saal/ vor vns beyden endsbemeldten Keyserlichen *Notariis*, vnd auch endsbemeldten vier Geszeugen/ erschienen ist/ Der beyder Städte Franckfurt vnd Sachsenhausen Zünfften vnd ganzer Bürgerschaft/ vornehmer vnd auſehenlicher Ausschuss/ dero Namen unterschiedlich hernach folgen werden/ vnd durch den Ehrvesten vnd Hochgelahrten Herrn Johann Meßlern der Rechten Doctorn/ vnd zu dieser Sachen/ neben dem auch Ehrvesten vnd Hochgelahrten Herrn Joann Spichmann *L. C.* bes

# I N S T R U M E N T U M

Besten *Advocaten*, vorbringen lassen! Demnach nunmehr auff unters-  
 theniges *Suppliciren* ermeldter Zünffte vnd Bürger-schafft/ vnd unters-  
 schiedliches beschehenes verordneten eines Ehrenvesten Wolweisen  
 Raths dieser des heiligen Reichs Stadt Franckfurt am Mayn/ es  
 an dem das ein Ehrnoester Rath die in der gülden Bullen angedeutet/  
 vnd von Römischen Keysern vnd Königen bisher *continuirte, confir-*  
*mirte*, vnd auff die ganze Bürger-schafft wohergebrachte *Privilegien*,  
 großgünstig *exhibiren, ediren vnd communiciren* wolte/ vermög eines  
 schriftlichen ertheilten Bescheids/ Zu welchem Ende dann au jeso  
 ein Ehrliebender der Zünffte vnd ganzen Bürger-schafft Ausschuß/ in  
 Rom zu gehen/ vnd dieselben zuerheben/ erfordert worden/ Welcher  
 Bescheid von Worten zu Worten also lautet:

Auch die in Namen der Zünffte vnd Bürger-schafft allhie/ ges-  
 tern/ den dritten *idus hujus* vbergebene *Supplication*/ erklärt sich E.  
 E. Rath dahin. Das er erstlichen den *Supplicanten* die gesuchte zustel-  
 lung der *Privilegien* nachmals bewillige/ doch mit der Bescheidenheit/  
 Das die *Supplicanten* auß ihrem Mittel zwei oder drey Personen bes-  
 nennen sollen/ welche verschwiegen/ vnd also beschaffen/ das sie berühr-  
 te *Privilegia* niemanden/ Wer der auch sey/ einem Erbarn Rath vnd  
 Bürger-schafft zu Nachtheil weder Mündlich noch Schriftlich/  
 oder auff andere Weiß nicht offenbaren/ noch in Mißdeutung oder  
 ungleichen Verstand ziehen/ darüber auch Pflicht thun/ Sollen dies-  
 selben/ beneben eines Erb. Raths Verordneten/ gedachte *Privilegia*, an  
 Orth vnd Enden/ da sie verwahrt/ erheben helfen/ vnd darvon *Co-*  
*pey*/ oder durch einen *Notarium* beglaubete *vidimus* nehmen: Auch sol-  
 len die *Supplicanten* Ulrich Keinischen den Randten gresser/ vnd and-  
 dere/ so dergleichen *Privilegia* hinder sich zuhaben sich berümbet/ aber  
 dieselben niemand mit zu theilen/ oder zu offenbahren/ in der Eankley  
 angelobt vnd Eydlich behewret zuhaben fürgeben/ Einem Erbarn  
 Rath namhaft machen/ vnd vorstellen/ ist E. E. Rath willig vnd ers-  
 bötig/ solche Personen des angegebenen Eyds zuerlassen/ vnd die *Edi-*  
*tion* zu thun zugestatten. Des zweyen Puncten halben/ betreffend  
 das Gelt

das  
 Cat  
 nen  
 wi  
 gro  
 mö  
 der  
 B  
 hal  
 au  
 N  
 for  
 G  
 in  
 K  
 fa  
 die  
 N  
 en  
 in  
  
 A  
 w  
 ch  
 ju  
 K  
 de  
 be  
 re  
 de  
 se  
 di

das Geld leyhen/ von der Recheney/ Ist einem Erbaru Rath andere  
*Caution*, als vorgestern angedeut/ von den jenigen/ die Geld zu entleh-  
 nen begeren/nicht anzunehmen/sonderlich aber sich mit Bürgschafft/  
 wie auch mit liegenden Gütern/ versichern zu lassen/ dieweil dardurch  
 grosse Weitleufftigkeit/ Zerrüttung vnd Unruhe verursacht werden  
 möchte/bedencklich vnd unthunlich: Sondern gleich wie ein jedwes  
 der *Privatus*, welcher auff Pfand leyhet/ wie es der *Distraction* oder  
 Verkaufung halber/ mit dem Entlehner/ im Fall nicht zahlens/ ges-  
 halten werden solle/ zuvorher abreden vnd *pacificiren* mag/ Also wird  
 auch in diesem Fall/ solche Abrede vnd Vorgesding/ dem Gemeinen  
 Nutzen zu gutem/ zumachen/ E. E. Rath niemand unbillichen/ weil  
 sonderlich die vorgesezte Pfand/ im Fall der nicht Zahlung/ förderlich  
 Geld zumachen/ vnd andern Dürfftigen auch zu helffen/ den Bürgern  
 ins gemein fürtreulich vnd hochnötig. Dann auch ohne das E. E.  
 Rath jederzeit/ vnd nach eines jeden begehren/ außzuleyhen nicht ge-  
 fast sein kan/ wie verständige Leut leichtlich zu erachten haben/ Vnd  
 dieweil sich die *Supplicanten* dieses Puncten halben/ auff die Stadt  
 Nürnberg beruffen/ sol dahin ehestes Tages geschrieben/ vnd nach  
 empfangenem Bericht/ die Sach weiter bedachte vnd was thunlich  
 ins Werk gerichtet werden.

Der Juden gäncklicher Abschaffung halb/ sol die Keyss. Mayest.  
 Allerunterthänigst angelangt/ vnd was disfalls zuerhalten effectuirt  
 werden: Zu dessen Beförderung denn die *Supplicanten* selbst Ansu-  
 chung thun mögen/ Vnd wird als dann die gesuchte *Moderation* des  
 jüdischen Buchers für sich selbst gefallen sein/ Es lest aber E. Erbar  
 Rath sie die *Supplicanten* hierbey wolmeinend erinnern/ wann die Ju-  
 den außgeschafft/ Ob denn sie vnd andere/ sich des Geld Endlehrens/  
 bey Hanawischen/ Fridburgischen/ Hedernheimischen/ vnd ande-  
 rer benachbarter Herrschafft vnterfessenen Juden enthalten/ oder auff  
 den widrigen Fall/ als dann allhie vmb Zahlung geklagt/ oder auß-  
 serhalb mit Arresten beschlagen zu werden gewertig sein: Vnd  
 durch was Mittel sie sich solcher *Processen* erwehren oder von den  
 frembden

# I N S T R U M E N T U M

frembden Juden ledig machen wolten/ fleißig vnd wol zubedencken.  
 Letzlich sol zu dem bewilligten Kornmarck ein oder mehr vornehm-  
 mer Plätze den *Supplicanten* benant/ vnd derselbige fürderlich an den  
 Stadt Thoren/ vnd andern gewöhnlichen Oreen/ so wol allhie/ als  
 in den benachbarten Stecken/ durch einen getruckten offenen Anschlag  
*publicirt* vnd aufgekündet werden. *Decretum in Senatu* Sambstags  
 den vierdten Tag Julii, Anno Sechzehenhundert vnd zwölff/ &c.  
 Als wolten sie hierauff vns bey Keyserliche *Notarios* sampt vnd sons-  
 ders/ vnserer tragenden *Empfer*/ bestes Fleißes *requirirt*, erinnert vnd  
 erfordert haben/ beneben den Zeugen mit ihnen in den Römer zuges-  
 hen/ solcher *Exhibition, Edition* vnd *Communication* der *Privilegiorum*  
 gewertig zu sein/ vnd allem andern/ so sich bey diesem Geschäfte zu-  
 tragen möchte/bey zuwohnen/ alles trewlich *ad notam* zu nehmen/ vnd  
 ihnen sampt vnd sonders/ eines oder mehr *Instrumenta*, vmb die Ges-  
 büß auffzurichten vnd mitzutheilen.

Als demnach wir *Notarii* vns vnser *Notariat* ämpter erinnert/ has-  
 ben wir vns zu angeregtem *Actu*, vnd was ferzner darbey verlauffen  
 möchte/ Doch mit dieser aufgetruckten *Protestation*, vnd *Reservation*,  
 Das sie bey E. Ehrvesten Wolweisen Rath/ vns vnserer Eyd vnd  
 Pflicht/ so viel zu diesem Berck von Nöten/ *relaxiren* vnd entbinden  
 lassen wolten/ *subarrhiren* vnd bestellen lassen. Vnd hat sich darauff  
 der ganze Ausschuß der Zünfften vnd Bürgerschaft beyder Städte  
 im Römer versüßt/ vnd allda ein wenig auffgewartet/ vnd seind dies-  
 ses von gemainer Bürgerschaft/ Teurschen/ Welschen vnd Nieders-  
 ländern wegen/ so beydes Zünffzug vnd nicht Zünffzug/ ein Ausschuß  
 erfunden vnd benamt worden:

Peter Kopff/ Reinhart Becker/ Wendel Stahl/ Jonas Rosa/  
 Johann L'Empereur/ Conrad Meul/ Johann Hartwan Geißels-  
 bach/ Gottfried Lampach/ Daniel Douffart/ vnd Johann Suder.

Wollenweber Zünff hat geben: Herman Rehm/ M. Leon-  
 hart Dureken/ Thomas Ditz.

Zeitkämmer: Reinhart Meuser/ Vincenz Fettmilch/ Hans  
 Crabl

NOTARIORUM.

Crak/ Philips Wark/ Nicolaus Laux/ Leonhart Jacob.

Wesger: Wendel Baur/ Augustin Fritzen/ Johann Lindenheimern/ Hans Klarn/ Johann Herzogen/ Georg von Carben/ Hans Lenken/ Johann Keiffenbergern.

Schmid vnd Schloffer: Jacob Sorgen/ Michael Ostertagen/ Barthel Saulen/ Anthoni Eippolien/ Bastian Wioffen/ Hans Heppeln.

Becker: Balthasar Creußenachern/ Paulus Frieden/ Herman Aligelten/ Paulus Hungen.

Schuhmacher: Georg Fischern/ Georg Sorgen/ David Sächstlen/ Nicolaus Birschen.

Gärtner: Hans Kecken/ Bethel Hungern/ Hans von der Linden.

Löhern: Hans Eppeln/ Herman Rudolphen/ Henrich Beckern/ Marx Budingern.

Kürschner: Heinrich Artus/ Sebastian Lappen/ Lorenz Schwarzen.

Fischer: Conrad Jo/ Friderich Goblern/ Hieronymus Fischern/ Johann Tröllern.

Schneider: Johann Königstein den Eltern/ Conrad Schopfsen/ Herman Geissen/ Nicolaus Reicharten.

Bender: Friederich Geissen/ Martin Lindengrün/ Jost Holzmann.

Goldschmid: Lorenz Moors/ Hans von dem Poplier/ Georg Amman/ Johann Gauchen.

Zimmerleut: Jacob Kempffen/ Martin Fischern/ Friederich Stemlern/ Mattheus Preussen/ Nicolaus Rodthameln.

Mäurer vnd Steimeßen: Christoff Müllern/ Henrich Hoffmann/ Alexander Tulen/ Philips Ludwig Happen.

Schreiner: Conrad Berngrossen/ Ulrich Benßlern/ Hans Kremern.

Seckler/ Sattler/ Weißgerber vnd Consorten: Philips Keiffeyssen/ Christoff Kelken/ vnd Anthoni Kelpen. Stein

# INSTRUMENTUM.

Steindecker: Michel Kempys/ Henrich Hohen/Nicolaus Wendeln/ Nicolaus Künzeln.

Balbieter vnd Bierbreyer: Henrich Lindengrün/ Georg Beuslichen/ Johann Anshelm Vogel.

Barchenweber: Michel Wilhelm/ Jacob Hartman vnd Wolff Krämer.

Bader: Caspar Göttingern/ Jacob Walthern/ Friderich Kälblin.

Seyler: Melchior Hebenstrauch/ Conrad Sigling/ Philips Schiele.

Glaser: Kilian Söfern/ Bonaventuram Merken/ Jeremia am Fidlern.

Papmentirer: Johann Harpffen/ Jost Caurssseau/ Matthis Siren/ Abraham Sinkeln.

Buchtrucker/ Biesser/ Buchbinder: Johann Saur/ Hans Bernern/ Hans Ludwigen/ Christoff Kräutlein.

Sachsenhäuser Gemein: Johann Eulnern/ Hans Wilhelm/ Conrade Wagnern/ Lorenz Noe/ Georg Ebele/ Philips Zimmern.

Treher: Abraham Hennen/ Bernhart Fromknechten.

Weinschröter: Hans Drelepp/ Claus Habich/ Conrad Mosor.

Kornmüster vnd Sackträger: Hans Jungen/ Conrad Bestetern.

Düncher vnd Weißbender: Christoff Mercklen/ Conrad Leyser/ Caspar Jungen/ Georg Henrichen.

Krämer Gesellschaft: Philips Zangen den Eltern/ Hans Martin Heckern.

Gürtler: Peter Richtern/ Wolff Buttelmeyern.

Zu welchen hernacher nach etlichen Tagen zum fernern Aufschuß einhellig erwöhlet worden seind/ Peter Kuland/ Heinrich von Eden/ Johann Mahieu/ Bastian de Nouille/ Peter Bernulli/ Hans Jacob Knauff/ Daniel Briere/ Jacob de Fay/ Jacob von Hilden/ Herman Lippold/ 2c. Als



NOTARIORUM.

Als nun vorgemeldter Ausschuss eine weile heraussen im Röhmer auffgewartet/ Ist endlich besagter Herr Doctor Hefler vor eines Erb. Wolweisen Raths zu diesem *Actu deputirte*, mit Namen Herrn Johann von Martorff / des heiligen Reichs Schultheissen allhier / Herrn Christoff Ludwig Bolekern Eltern / vnd Hieronymum Stefsan Jüngern Bürgermeistern / Herrn Hieronymum zum Jungen / vnd Johann Adolph Kellnern beyden Schöffen / vnd des Raths / Herrn Caspar Gabriel Kasern / der Rechten Doctorn vnd *Syndicum*, wie auch Herrn Lorenz Pyrandern Stadtschreibern allein in die gewöhnliche *Audienz* stuben / zwischen der Cankley vnd dem Borhoff gefordert worden / vnd wie hernacher auß der *Recapitulation* zu vernemen gewesen / vnd besagter Herr Doctor Hefler selber *acceptirt* vnd gestanden / E. Ehrvesten Wolweisen Raths Herren *Deputirten* angezeigt / ihre E. vnd J. W. hetten sich dessen Bescheids / vnd schriftlichen *Decrets*, so einer Ehrliebenden Bürgerschaft vorachtriges Tages zu gestellt worden / zu ersinnern / die Bürgerschaft vnd Zünffte hetten sich dessen in vnterthenigkeit gehorsamlich bedancken / Diemweil dann der Zünffte vnd beyder Städte Bürgerschaft Ausschuss an jeko zur *Exhibition* vnd *Edition* der *Privilegien* allhero im Röhmer bescheiden / Als weren sie deswegen vorhanden / der vertrösteten *Edition* gewertig zu sein. Vnd ist dorauß gedachter D. Hefler nach genommenen Aberitt vnd widerkehrung zu der Zünfften vnd Bürgerschaft Ausschuss / sampt etlichen wenigen vom Ausschuss / vns den beyden *Notarien* vnd vier Zeugen in die erwehnte *Audienz* stuben eingelassen worden. Allda dann auch eines Ehrvesten Wolweisen Raths Herrn *Deputirte*, Conradum Wendern / vnd Johann Zieglern / beyde *Notarios*, vnd Theobald Stauchen von S. Martin vnd Sebastian Biezlern von Lampshheim / beyde Weinändler / als Zeugen erfordert gehabt / vnd hat besagter D. Hefler im namen der Erbar Zünffte vnd Bürgerschaft Ausschusses vorbracht / wie folget:

Demnach durch E. E. Wolweisen Rath / einer Ehrliebenden Bürgerschaft / auff ihr vnterthenige *Suppliciren* vnd anhalten / die

W

Privile-

# I N S T R U M E N T U M

*Privilegia* vorzuzeigen vnd zu *Communiciren*, vermindt gegebener fünfzig  
 sten Bescheids bewilliget/ als theten sie sich dessen nachmal als ~~Verfah~~  
 nig bedanken/ wolten nu mehr der Vorzeigung/ *Specificirung* vnd  
*Communication* erwählter *Privilegien*, an gewöhnlichen Orten erwart  
 ten. Vor sein Person/ als noch zur Zeit nicht Bürger/ wolte er sich  
 wegen seines Doctorats Eyds entschuldigen/ daß er sich allein zu er  
 hebung der *Privilegien*, zum Beystand/ als einen *Advocaten* gebürt/  
 bestellen lassen: da man mit ime nicht zufrieden/ möchte er leiden/ daß  
 eine andere Person an seine Statt geordnet werde. Darauß D. Kaser  
 im Nahmen ehrngedachter E. E. Wohlweisen Rathes *Deputirten*, dem  
 Ausschusß von der Bürgerschaft zur Antwort gegeben/ gemeldte *Res*  
*solution* oder Bescheid were dieses Inhalts/ daß verschwigene Pers  
 onen zu diesem *Actu adhibirt* werden solten/ Solten derwegen diesel  
 ben insonderbare Eyd vnd Pflicht genommen werden: Wofern sis  
 nun D. Heßlern/ oder jemand anders zu solcher Eyds vnd Pflicht  
 leistung *presentiren* würden/ solte alsdann mit der *Edition* der *Privi*  
*legien* verfahren werden. D. Heßler erkläret sich dahin/ Es werde  
 E. Erb. Rath die Bürgerschaft bey diesem ihnen von Ihr Keyserl.  
 Mayest. gegebenen *Decret*, durch D. Wackern gegeben/ verbleiben  
 lassen/ vnd sie fermer nicht beschweren/ alle *Privilegia* an angedeutem  
 Orth verlesen lassen/ vnd *communiciren*, wolte meiner Herren *Reso*  
*lution* dem Ausschusß der Zünffte vnd Bürgerschaft vortragen/  
 seiner Person halber hette er sich schon erkläret. Darauß man zu bey  
 den theilen abgetreten/ vnd als der kleine Ausschusß wider vö dem gans  
 zen Ausschusß in die *Audientz* stuben getreten/ hat Herr Pyrandt der  
 Stadtschreiber/ welcher allein allda gewesen/ *ad partem* vnd wolmeis  
 nend M. Prennern dem einen *Notario* angezeigt/ die Bürgerschaft were  
 in einem falschen Bohn/ daß die *Privilegia* auff S. Leonhards Kirchs  
 hoff von dem angedeutem Orth der Cankel verlesen worden sein solten/  
 Zum Berichte er mir jeßermeldtem *Notario* einen geschriebenen Zettel/  
 von solcher Beschaffenheit dem Ausschusß vorzutragen zugestellet/  
 dabey vermeld/ der *Modus* würde sehr weitläufftig sein/ wenn mans  
 solte

## NOTARIORUM.

solte ablesen/ were der nechste Weg/ eine Schachtel nach der andern  
 heraus zunehmen/ vnd die *Privilegia* durch die *Notarios transsumiren*,  
 vnd also den Zünfften *vidimirte Copias* zustellen zulassen/ mögden also  
 dann dieselbige lesen/ wann sie wolten. Als ich *M. Prenner* der eine  
*Notarius* dem sämpelichen Ausschuss herausen im Römer solchen Zets  
 tel abgelesen/ haben sie sich dahin einhellig erklärt/ wolten bey ihrer ers  
 ten Meynung verharren/ vnd solten die *Privilegia* öffentlich verlesen  
 werden. Des Zettels Inhalt wer vngeschr dieses/ wie *Ludovicus N.*  
*Canonicus* zu *S. Leonhart* berichtet/ daß er nicht gehört/ daß die *Privi-*  
*legia* allda jemals abgelesen worden/ sondern were das Heylichumb das  
 selbst vnter *Ludovico V.* dem Bolet gezeigt/ vnd im Sommerzeit dem  
 Bolet daselbst geprediget worden/ als man nun wider vor die Herren  
*Deputirte* getreten kömen/ hat *D. Hessler* furbracht/ die Bürgerschaft  
 erkläre sich dahin/ daß sie verhoffen/ *E. E. Rath* werde sich dem ihnen  
 den Bürgern von der Römer. Keyf. May. gegebenen/ vnd von Herrn  
*D. Wackern* angezeigten Allergnädigsten Bescheid gemess erzeigen/  
 vnd die *Privilegia* sampt vnd sonders/ wie von Alters herkommen/ vnd  
 gebräuchlich gewesen/ an gewöhnlichem Ort öffentlich verlesen lassen/  
 Seine *D. Hessler*s Person belangend/ habe er sich allein zu diesem *As-*  
*tu* der Edition der *Privilegien* gebrauchen zulassen/ auff vorherganges  
 ne Bitte/ erbieten lassen/ Da nun ein Erbarer Rath leyden möge/ daß  
 er darbey sey/ vnd der Pflichten erlassen werden möchte/ wolte er sich  
 in Unterthänigkeit darzu erbotten haben/ Wo es aber bedenkens/  
 weil er dem Rath mit seinen Pflichten zugethan/ wurde der Bürgers  
 schaffe nicht zu wider sein/ daß ein anderer an seine Statt genommen  
 werden möge/ mit fernerer Entschuldigung/ seiner Person/ vnd des  
 gegenwertigen Beystands/ ihme vnd ihnen solches nicht in vngutem  
 auffzunehmen/ Denn er vnd sie durch innstendiges Bitten sich darzu  
 vermögen lassen/ vnd auff gethanes anregen beyder *Notarien M. Sebas-*  
*tiani Prenneri*, vnd *D. Zacharia Palthenii* fernere begert/ Diemewin  
 ein Ehrwuester Rath ihre beyde gegenwertige vorermeldte *Notarios*  
 ihrer Eyd vnd Pflichten/ wie man vernommen/ erlassen/ So sey ebens



I N S T R U M E N T U M

in ffz ihre vnterthentige Bitte/ daß auch sie beyde D. Palthenius vnd  
 M. Prenner, ebenmässig ihrer Eyd vnd Pflichten/ so viel diefen Actum  
 belangend/ vnd so fern sie sonst einem Ehrvesten Rath verflachtet/  
 erlassen werden mögen/ welches dann auch alsbalden erfolgt vnd bes  
 chehen/ vnd sie besagte Notarii Palthenius vnd Prenner acceptirt, vnd  
 M. Prenner vor sich vnd seinen Collegam/ gegen einem Ehrvesten  
 Rath alles gebürlichen Respects, vnd schuldigen Gehorsams/ wie  
 sich sonst ohn das gebürt/ in Vnterthentigkeit zu verhalten erbotten.  
 Darauff D. Kaiser sich fernere erklet/ man besinde so viel/ daß bes  
 rührtes begehren vnformlich/ vnd daß man nicht allerdings in dem  
 Terminis des Bescheids verbliebe/ dieweil keine gewisse Anzahl/ noch  
 auch qualificirte Personen sätgestellt würden/ welche de silentio & fide  
 stipulirten, oder der Edition halben/ daß die so darbey sein sollten/ ers  
 klärung beschehen/ Sonder sey noch etwas Dunkelt/ wer die Pers  
 sonen sein/ so in Pflicht genommen werden/ vnd der Edition bewoh  
 nen sollten/ ob man neue Eyd vnd Pflichten leisten/ oder es bey ge  
 thanen Pflichten gelassen werden sollte. Es hette ein Erbarer Rath  
 hochwichtige Ursachen anzeigen lassen/ warumb solche Cautel vnd  
 Behutsamkeit zugebrauchen/ So were doch auch schon der mehrer  
 Theil Sänffte mit dem Bescheid zu frieden gewesen/ wurde sich nicht  
 thun lassen/ Daß es in turba beschehe/ Sondern dieweil ein Erbarer  
 Rath wenig Personen auff iren seiten darzu zuziehen gemeint/ als wol  
 ten sie vmb so viel mehr verhoffen/ ein Ehrsame Bürgerschaft/ werde  
 auch etliche wenige Personen darzu ziehen/ Also zu evulgiren sey wes  
 der mit dem Rath noch Bürgerschaft dran/ weils der Privilegien  
 nicht einerley/ sondern ein Theil ein Erbar Rath insonderheit/ ein  
 Theil den Rath vnd Bürgerschaft zugleich angienge/ ein Theil wis  
 der frembde vnd benachbarte/ etliche auch wider Geisliche weren/ So  
 der Bürgerschaft wenig vortragen möchten/ müste also Behutsams  
 keit gebrauchet/ vnd ein delectus darinnen gehalten werden/ würde viel  
 Zeit darmit zugebracht/ vñ doch nicht von männiglich gehört/ vielwe  
 niger verstanden oder memorirt werde/ zu dem würden sich in den Häu  
 seral.

fern/ Weib/ Mägde/ Gesinde/ vnd andere Freywillige finden lassen/  
 die solches anhören/ andern *Communiciren* vnd außbreiten/ vnd  
 wol gar wider die Stadt vnd Bürgerschaft gebrauchen/ vnd setzen  
 sich behelffen möchten/ Dann ihnen dardurch gleichsam die Wehr  
 vnd Waffen in die Hand gegeben würde/ Neben dem/ so komme ein  
 nem Erbaru Rath frembd für/ daß man also wider den Bescheid ver-  
 tyre/ Da doch die meiste Zünfft sich dahis erkläret/ daß sie ihnen den  
 Bescheid belieben lassen/ vnd darmit wol zu frieden weren/ wann als  
 les öffentlich solte verlesen werden/ were es eben so viel/ als wann man es  
 mit der Trommeten außbliesse/ vnd *evulgirte*, od gar in offenen Truck  
 gebe/ daß es aller Welt bekant were/ welches aber in solchen Sachen  
 nicht bräuchlich. So habe man auch keine Nachricht/ daß  
 die Verlesung der *Privilegien* jemals an angedeutem Orth geschehen/  
 Sondern ob schon der Adler da/ so seye es doch/ wie man auß den Hi-  
 storien vnd alten Geistlichen vernimpt/ daher können/ daß die Stiffts-  
 herren zu S. Leonhart/ einem Keyser/ *LUDOVICUS BAVARUS*  
 genant/ als der im Bann gewesen/ auffgehalten/ vnd als ihne die zu S.  
 Barthelmes Stifte außgeschlossen/ auffgenommen/ vnd hernacher als  
 er des Keyserthumbs wider mächtig worden/ zum Gedeckenuß vnd  
*Symbolo*, daß sie gut Keyserisch gewesen/ den Adler dahin setzen lassen/  
 Weiter habe man auß S. Leonharts Stifte *Architectur* so viel/ daß vor-  
 zeiten das Heylthum daselbst von dem Orth gezeit/ auch etwan in  
 Sommerszeit den Leuthen auß den Kirchhoff daselbst herab geprediget  
 worden/ Ober dieses heiten sich die Geistliche zimlich starck des Orts  
*impatronirt*, daß sie nicht zu zwingen/ solches zugestatten/ vnd da man  
 schon solches bey ihnen suchen vnd begeren solt/ würde es einen neuen  
 Streit erwecken/ Dann wie zu besorgen/ die Geistlichen solches allbes-  
 reit an den Churfürsten nachher Meyns berichtet haben werden.

Von deme von Keyf. May. den Bürgern/ wie vorgeben/ durch  
 D. Wackern gegebenen *Decret* seye E. Ehrvesten Rath nichts be-  
 wußt/ oder zuerkennen geben/ Sondern vermeine ein E. Rath auß der  
 Bürgerschaft *Supplication*, vnd des Raths Gegenbericht Keyf. May.

# I N S T R U M E N T U M

fest. Ihrer unvorhergehört keinen Bescheid würden ertheilt haben/sindemal  
 sie *in procinctu* gewesen/ vnd mit diesen Sachen umbzugehen/ wenig  
 Zeit gehabt habe/halten also darfür/es sey ein Mißverständnis/durch den  
 Wind auffgefangen/ Vber diß seyen der *Privilegien* sehr viel/ vnd ein  
 grosser *Moles*, derhalben ein Erbar Rath vrbietig/ das *Privilegien*  
 Buch/sampt dem darinn begriffenen *Indice*, den jenigen/so darzu deputir-  
 tirt/sich *qualificirt*, vnd angebedeute Pflicht geleistet fürzulegen/dz man  
 sehen möge/welche einen Erbar Rath allein/oder den Rath vnd Bür-  
 gerschaft/ oder Frembde betreffen/ damit alle Bürgerliche *Privilegia*  
 durch die *Notarios exhibirt* vnd *vidimirt* werden mögen/ Inmassen  
 dann das *Privilegien* Buch/ so zimlich dick *in folio* Regal auff Per-  
 ment geschrieben/vorgezeigt/vnd darbey vermeld worden/ Ein Erbar  
 Rath verhoffe/ die Bürgerschaft werde etliche wenige Personen  
 verordnen/ so dem Wesen beywohnen/ was dann der Ausschuss beger-  
 ret/ sey ein Erbarer Rath zu ediren vrbietig/ vnd dieses were eines E.  
 Raths Erklärung. Doctor Hestler hingegen angezeigt/ die Bürger-  
 schafft sey nicht gemeint/ einen Erbar Rath zu unannemlichen Din-  
 gen/ oder *Editionen* zutringen/ sondern begeren allein vnd bitten vnters-  
 thänig/ daß allein dißmal die *Privilegia* verlesen/vnd hernacher davon  
 Copen gegeben werden möchte/ vnd da es ja an angedeutem Ort nicht  
 geschehen solte/ könnte es doch an einem andern geschehen/ sonst beger-  
 re die Bürgerschaft nicht/ daß die *Privilegia* alle Jahr sollen verlesen  
 werden/ verhoffen auch fermer/es werden die jenigen/so bey der *Edition*  
 vnd *Transsumption* sein werden/ bey ihren Bürgerlichen Pflichten ges-  
 lassen/vñ mit keinem sonderbaren Eyd beladen werden/wolten sich son-  
 sten in aller vnterthänigkeit vnd Gebühr einstellen/ die Bürgerschaft  
 so nicht zünfftig/hette schon allbereits ein Ausschuss gemacht/begerten  
 der *Privilegien* ebenmäßig wie die Zünffte. D. Kaiser/ alle vnd jedi *Pri-*  
*vilegia*, deren ein grosser *Moles* öffentlich zuverlesen/ sey ganz bedeneck-  
 lich/so sey es auch wegen frembder Leute/die sich zuschlagen/vnd hernach-  
 er wider den Rath vnd Stadt sich deren behelffen/auch sonst auß-  
 schreyen möchten/gar nit thunlich/ Ort vnd Stelle könnte er nit finden/  
 daß

NOTARIORUM.

Das niemand anderst / als nur die Bürger hören lesen würden / So würde ferner viel zeit darauff gehen / vnd würden sie es doch nicht alles hören noch behalten können / die ganze Gemein habe es keinem Außländischen zu offenbaren / wie doch geschehen würde / da jedem Copia insonderheit mit getheilt werden sollten / würden solche in Zechen hin vnd wider divulgirt werden / Wann aber die Copia so viel die Bürgerschaft betrifft / den Ausschüssen gegeben werden / selbige an gehörigen Orten zu verwahren / vnd zu caviren, das sie nicht einem jeden Copias daruon geben wolten / So möchten jede Zünffte oder Ausschüß / die ihnen gegebene Copias fürlesen / vnd sich desto fählicher dorinnen ersehen / Also auch die Unzünfftige möchten es ebenmessig verlefen / aber keine Copia zu gestellet werden / das es nicht ein jeder abschreibe / Ein Erbarer Rath sey vrbietig / die Priuilegia, so viel dieselbe die Bürgerschaft belangt / zu ediren, vnd nichts zu hinderhalten.

Doctor Hefler nach genommenem Abritte / zeigte an / das eines Erbaren Raths großgünstig erbieten dem Ausschüß angezeigt / der thete sich der bewilligten Communication nachmals vnterthenig bedanken / Wolten aber in den Delectum / das etliche so einen Erbaren Rath allein betreffen / vnd dero Communication vnnötig erachtet werden wolt / Sondern die jenige Priuilegia allein / so entweder den Rath vnd Bürgerschaft zu gleich / oder auch die Bürgerschaft allein angesehen / ediret werden sollen nicht willigen halten darfür / der Rath komme von den Bürgern / vnd die Bürger nicht vom Rath / daher man sich nicht zu beschweren / alle Priuilegia der Bürgerschaft zu ediren, vnd das Sie deren aller vnd jeder Edition vnd Abschrift begeren / vermög der Registratur, weil vngewiß / ob auch alle Priuilegia im vorgezeigten Buch beschrieben sein / vnd habe man sich dessen nicht zu beschweren / damit der Bürgerschaft begeren ein billiches genügen geschehe. D. Kaiser / So viel eines Erbaren Raths Herrn deputirte vernemmen / werden von der Burgerschaft die Priuilegia alle / ohne vnterschied / Ihnen zu communiciren begert / vnd bitten Sie die Bürger sich darinn der Bescheidenheit zugebrauchen / das einem Erbaren Rath an irer  
Reputa-

## I N S T R U M E N T U M

*Reputation*, wie auch der Stadt vnd Bürgerschaft selbsten vnnachtheilig sein solte/ Nu liessen Sie es an seinen ort gestelle sein/ ob der Rath von der Bürgerschaft herkomme/ begerens nicht zu *disputiren*, Ein Erbar Rath seye nachmals willig/ wann man zu sammen trettel/ vnd die *Priuilegia* vermög der Registratur besichtiget vnd verlesen/ das die Jenige/ so der Bürgerschaft dienlich mit getheilt werden/ vnd ob auch gleich der *Index* oder Rubriken des *Privilegii* buchs bey einem oder dem andern *Priuilegio* allein eines Erbarn Raths meldung theten sollen doch denen von der Bürgerschaft *deputirten* Ausschüssen frey stehen/ auch selbige zu lesen/ vnd da Sie etwas dorinnen befinden/ so Ihnen dienlich sein möcht/ mögen sie geschehen lassen/ das Abschriffte dauon genommen werde/ dann ein Erbar Rath begere das jenig was Ihnen dienlich/ nicht zu enziehen/ doch das es in gemeiner *Custodia* oder verwahrung verbleibe/ vnd nicht einem jeden *Copia* zu gestellet/ auch von Ihnen/ wie ein Erbar Rath verhofft/ in geheim zu halten *cauiet* werde/ Dann da die *diuulgatio* nicht verhütet würde/ köndte es gegen den frembden/ so solche heut oder morgen/ so wol gegen einem Erbarn Rath als die Bürgerschaft zu ihrem vorteil gebrauchen werden/ nicht verschwiegen bleiben/ Sintemal ohne das nicht gebruechlich/ das der Städte *Priuilegia* vnd Freyheiten/ ins gemeins *diuulgirt* werden/ das meniglichem/ auch die fremden dauon wissenschafft haben sollen/ dann es auch ein *Præceptum Politicæ Sapientie*, das solche *Rerum publicarum Priuilegia*, *Secret* vnd verschwiegen gehalten werden vnd ob wol etwa die Stadt Friedberg eeliche *Priuilegia* in Truct kommen lassen/ so sey es doch nur *in terminis discordantibus*/ gegen die Burg Friedberg/ vnd darzu nicht vollkômlich beschehen/ vnd wolle ein Erbar Rath insonderheit sich versehen/ da Sie die Ausschüsse in oberlesung eines vnd des andern *Priuilegii* befinden werden/ das *toto Cælo* nichts darinnen/ der Bürgerschaft dienlich gemeldt/ Sie werden der *Communication* nicht begeren/ sonsten mögen die Ausschüsse/ die sie betreffendte/ oder Ihnen *communicirte Priuilegia* auff jeder Stuben/ *ad partem* verlesen/ Seye es ihnen aber nutz/ so mögen sie es auch *viduiren*





miren. D. Hefler abermals auff genommenen abtritt/ Ausschuß ers  
 klerten sich dahin/ das zu abhelfung dieser sachen/ zu forderst alle vnd  
 jede Bürger/entweder in die alte Zünffte eingetheilt/oder neue Zünffte  
 te oder Gesellschaften gemacht werden möchten/ doch alles mit vor  
 wissen/ willen vnd belieben meiner Herrn/ Das dorauß auff Jeder  
 Zünffte drey gegeben/ welche der Edition vnd ablesung der Privilegien  
 beywohnen/ auch die *vidimirte Copias* in einer Kisten/ mit vier schlos  
 sen verwahrlich enthalten/ vnd verwarth behalten sollen/ versehen/ es  
 werden dieselbige darzu erwählte/ diffals bey Ihren Burgerlichen  
 pflichten auff den Zünfften gelassen werden/ seyen sonst einem Ers  
 barn Rath schuldigen Gehorsamb zu leisten willig. In dem nun  
 D. Kaser jent gemeldtes D. Heflers Vortrag/ vmb gleiches Ver  
 standts willen *reputirt*, hat D. Hefler weiter angezeige/ der Burger  
 schafft Ausschusses Meynung seye/ das die vier Personen/ so von jes  
 der Zunft zur Edition vnd Verwahrung benent werden/ bey denen  
 Pflichten gelassen werden mögen/ die sie allbereyt gethan haben/ vnd  
 das die vier erwählte/ jeder Zunft Handgelübdt thun sollen/ ohne vor  
 wissen vnd verwilligung der Zünfften/ die *vidimirte Copias* niemandes  
 zu ediren, sehen oder hören zu lassen. D. Kaser/ man vernehme auß  
 dem Vortrag der Ausschüsse Meynung/ das man in dem richtig/  
 wie die *Originalia* erhoben/ die Edition geschehen/ die mit geheilte *Copie*  
*verwahrt* / vnd *Evulgatio* verhütet werden soll/ Weils aber ein  
 neues vnd *Special* Werck vor sie/ Zünfftig vnd nicht Zünfftig sein/  
 so hievor nicht begehret worden/ auch der Abend herben kommen/  
 vnd sie sich in so wichtigen Sachen nichts wüsten zu mächtigen/ son  
 dern müste *deliberirt* werden/ So wolten sie solches Morgenden Tas  
 ges *in pleno referiren*, vnd mögen Morgen vmb neun vhr / mit zins  
 lichem Ausschuß erscheinen. Geben gleichwol zum oberfluß zubes  
 dencken/ ob rathsam sey/ alle vnd jede *Privilegia* den Zünfften zugeben/  
 sey nicht bräuchlich/ werdens bey andern *Rebus publicis* verweiß bekom  
 men/ das ein jeder die Geheimnissen wissen solte/ sey gleichsam ein  
*Adequatio*, was ein jeder wissen solte/ was der Bürgermeister weiß:  
 E  
 seye

## I N S T R U M E N T U M

seye auch zu bedencken/ob es nicht viel mehr einer Bürgerschaft mehr  
schädlich als vortrüglich sein werde/ Man sehe auch nicht/ wie es die  
Röm. Kay. May. welche ihnen die *Iustitia* anbefohlen/ werde aufzuneh-  
men/ E. E. Rath seien *Curatores* und *Administratores*: Und ob es  
gleich Ein Erbar Rath habe/ so seye doch die Bürgerschaft *interessirt*  
und mit *in possessione*, Seye gleich ein Unterscheid zu halten/ zwischen  
dem Jenigen was die Obrigkeit/ oder auch *modum regiminis* belange/  
und deme so die Bürgerschaft betreffen werde/ ein grosser Schimpff  
sein/ alles ohne Unterscheid zu ediren, geben es den Ausschüssen zu bes-  
dencken/ möchtens mit verständigen Leuten berathschlagen/ E. E.  
Rath müsse gleichwol Ihr Kay. May. so newlich geleiste vflucht bes-  
dencken/ Dann Ihre Majest. ihnen dabey befohlen/ die Stadt hinfür-  
ro in guter *Administration*, *Aufsicht* und *justitia* zu halten/ wie bishe-  
ro beschehen/ das ein Erbarer Rath wegen beschehener verwilligung  
zu rück gehen werde/ werde gleichsam auß *Mistraven* begeret/ Jedoch  
wollen sie es einem Erbar Rath referirn.

D. Hefler/ Ob woln die Ausschüss lieber gesehen/ das den Saa-  
chen endlichen abgeholfen/ vnd erörterung erfolgt were worden/ Jed-  
doch wollen sie es dahin gestellt sein lassen/ vnd bis Morgen zu warten  
vnd sich versehen/ das die Sach befürdert/ vnd sie nicht lenger auffge-  
halten würden/ Damit nicht etwan ein *Mistraven* erwachse/ vnd der  
Unschuldige mit dem Schuldigen entgelten müsse.

D. Kaser/ Es were ein Erbar Rath der Varruhe eben so gern  
ab/ als die Bürgerschaft/ wisse nicht worinn sie sich gegen der Bür-  
gerschaft vergriffen haben/ komme ihnen schmerzlich vor/ das etlicher  
massen ein *mistraven* in sie gesetzt werde/ da man doch nichts abge-  
schlagen/ auch kein anzeig *mala administrationis* vorhanden/ möchten  
wünschen/ das es wenig verständigen Leuten würde heim gegeben/ Jed-  
doch viel Köpff viel Sinn/ Seye sonst bedenklich/ nicht so viel zeit zu  
gönnen/ das es möcht referiret werden/ auch sollte man sehen/ das das  
*Mistraven* hindan gesetzt werde/ soll Sonsten die gebür referirt wer-  
den. Dorauff der Zünffte vnd Bürgerschaft Ausschüsse bey Thres-  
erklärung

NOTARIORVM.

Erklärung verharret/ vnd alles wie vermeldt/ auff morgigen Tag verscho- den/ vnd also der Aufschuß wider vmb sich nacher Hauß begeben/ Die Zeugen dieses verlauffs erinnert/ vnd alles eingedenck zu sein dimittirt vnd erlassen worden.

Am folgenden Dienstag/ der da war der siebende altens oder siebenzehende neuen Calenders/ Monats Julii, dieses sechzehnhundertten vnd zwölfften Jahres/ hat sich der Aufschuß der Zünfft vnd Bürgerschaft beyder Städte Franckfurt vnd Sachsenhausen/ auff dem Rauffhauß widerumb versamlet/ vnd ein wenig vor neun Uhr/ sampt ihren beyden *Advocaten* Herr Johann Spielmann vnd D. Johann Heßlern/ vns den *Notarius* vnd den sämplichen vier Zeugen/ so zu End vermeld werden sollen/ sich auff den Römer/ vnd daselbst auff den grossen Saal versüßt/ daselbst des gestrigen Abends vertrösten Bescheids wartet/ hat sich die Sach anfänglich vñ neun Uhr/ biß nach zehen verzogen/ Derwegen der Elter Herr Bürgermeister/ Christoff Ludwig Bötcher/ zu erlichen von den Aufschuß auff den Römer kommen/ vmb ein Gedult gebeten/ vnd darbey vermeld/ Sie die Herren müßten selbst Gedult tragen. Hernacher als sich die Zeit noch etwas lenger verschoben/ vnd die Bürgerschaft vergeblich auffgewartet/ ist Conrad Bender der eine *Notarius*, auff eines Ehrvesten Raths seiten/ auß Befelch des jungen Herrn Bürgermeisters auffgetreten/ vnd angezeigt/ Ein Ehrliebende Bürgerschaft noch ein wenig in Gedult stehen wolte/ der Bescheid werde schon abgeschriben/ sol schriftlich gegeben werden/ man begere die Bürgerschaft nicht auffzuhalten. Darauff Herr *Advocat* Spielmann im Namen des Aufschusses: Demnach E. E. F. ih sich großgünstig erkläret/ gemeinen Zünfft vnd Bürgerschaften/ einen Bescheid in Schrieffen mitzutheilen/ Vnd derwegen zur geringen Gedult Anregung gethan/ So wird hierauff in vnterthänigkeit widerumb geantwortet/ daß ab einem geringen Verzug eine Bürgerschaft keine vngedult haben/ sondern vielmehr vmb einen guten Bescheid/ sonderlich gestriges Tages beschehenem betwilligt nachgesehen wöllen/ damit einmal dem Zweck

## I N S T R U M E N T V M

ein Zinsfang gemacht/ vnd also jedermenniglich in Ruhe gesetzt werden möge. Darauf widerumb ferner gewartet worden/ Als aber die eilff Uhr herbey geruckt/ vnd der Bürgerschaft die Zeit etwas lang geduochtet/ ist selbige abermals durch Johann Ziegler/ den andern Notarium eines Ehrenvesten Rathes/ zur Gedult angemahet worden. Endlichen nach eilff Uhrn als es fast vmb halb zwölff gewesen/ ist der ganze Rath/ in die Ober Rathstuben/ neben dem Saal kommen/ sich nieder gesetzt/ vnd den Ausschuss dahin erfordert/ da dann M. Jodocus Audeus der Rathschreiber einen Bescheid zu haben sich herfür gethan/ vnd denselben von Worten zu Worten *ex scripto* abgelesen/ Derselbe Bescheid lautet also:

Das gestriges Tages der Ausschuss darauß bestanden/ daß alle vnd jede *Privilegia*, sie betreffen gleich E. E. Rath absonderlich/ oder Rath vnd Bürgerschaft zugleich/ ohne Unterscheid/ eröffnet/ ersehen/ vnd den Zünfften vnd Bürgern darvon abschrieffen/ was vnd wie viel Sie begeren/ vberlassen werden sollen: solches ist E. E. Rath heut vmb sechs Uhr getrewlich vorbracht vnd referirt worden. Nun befind sich ein E. E. Rath nicht wenig beschwert/ daß mit solcher vngestümm/ zeit hero acht Tag/ meisten Theils vor/ vnd nach Mittag/ Ohne vnterlaß inn ihn getrungen/ vnd keines ordentlichen Rathes ges erwartet worden/ Dardurch Regiments vnd Gerichts/ so wol als andere nothwendige Sachen/ so auch Theils gefangene betrißend/ stecken bleiben/ Zu dem auch die ganze Stadt/ mit vngedürlichen harten Träuworten erfüllet/ starcke Nachwachten/ eygenes Zürnens/ vnersucht der Obrigkeit/ angestellt/ mit Zün/ vnd Oberwehr alle Gassen durchzogen/ v. d. solches seitther vor bemeltes Dienstages vollführet/ vnd es des Ansehens het/ das bey E. E. Rath gar wenig bitlich gesucht/ sondern viel mehr demselben vorgeschrieben werde/ Zugeschweigen des verächtlichen Gelächters/ so man gestern/ nach Mittag im Römer/ als man Inen E. E. Rathes Bescheid vorgelesen/ hören müssen. Diweil nun solcher vngedürlicher Proceß nicht nachgelassen/ sondern immer fort geführt werden wil/ Also das auch

in der

In der ganzen Stadt fast kein ander Recht gehöret wird/ als E. E. Rath soll sehen/ was Er zuthun hab/ Und wo man jetzt nicht thut/ was die Supplicanten begären/ so werde es nicht gut werden/ es sey hoch Zeit/ alles zumal hindan gesetzt/ aller väterlichen trewhertigen Erinnerung/ Ehneracht auch der Röm. Keyserl. Mayest. bey welcher die Supplicanten Ihre angegebene beschwerden selbst eingeführt/ vnd anhängig gemacht/ daselbst auch also/ bey seinem Oberhaupt E. E. Rath/ seines thuns vnd verhandelns Recht vnd Antwort zu geben schuldig vnd jeder Zeit erbietig. So wil derselbige die Außschuß/ vnd die so Ihnen beyfällig/ hiemit nachmals zum höchsten vermahnet haben/ daß sie E. E. Rath zu Eröffnung vnd Publicirung der jenigen Privilegien/ vnd Urkunden/ so ihn den Rath vnd dieser Stadt Regiment allein betreffen/ nicht nöthigen oder antringen/ sondern bedencen wollen/ Daß der Rath das Regiment nicht von sich selbst/ sondern von wegen vnd in Nahmen Allerhöchst. Keyserl. Mayest. vnd des h. Römischen Reichs tregt vnd fähret/ Derohalben auch niemand gebären kan/ das Jenig so dem Rath befohlen/ demselben abzundringen/ er wolle sich dann an der Römisch. Keyserlichen May. in dessen Befehl die Rathspersonen da sitzen/ selbst vergreifen. Wo sie aber dessen alles vnerachtet/ bey ihrem Vorhaben nochmalen beharren wollen/ so will sich ein E. E. Rath hiemit vnd in Krafft dieses/ eins vor alle mal gegen E. E. dem Höchsten/ der Römisch. Keyserl. Mayest. allen Churfürsten vnd andern Ständen des Reichs/ sich hiemie entschuldiget/ vnd allerhöchsten Keyserl. Mayestat vnd dem Römischen Reich sein Recht außdrücklichen vorbehalten haben/ vnd sind auff solchen Fall/ die verordnete Rathspersonen/ denen die Schlüssel/ Vermög dieser Stadt Herkommens/ auff ihre End vertraut gewesen/ allhier zugesagt/ vnd auff allbereit gemachten einhelligen Beschluß E. E. Raths/ so bald / vnd in *continenti* mit Euch zu gehen/ vnd auff zuschließen/ oder aber Euch die Schlüssel selbst zu zustellen/ vnd möcht ihr darauff mit den Dingen gebahren vnd verhandlen/ nach ewrem Wolgefallen/ denn E. E. Rath sich darmit weider zu beladen nicht gemeint.

# INSTRUMENTUM

*Decretum in Senatu Martis* den siebenden Julius, Anno sechzehnhundert und zwölffe.

Darauff Herr Spielmann diß begert vnd vorgetragen/ Edel/ Ehrveste/ Hochgelahrte/ Fürsichtige vnd Weyse/ 2c. Großgünstige Herrn/ Es ist einer ganzen Bürgerschaft vnterthänige Mittel ihnen Copen von jehverlesenem Bescheid zu zustellen/ wollen sich erklären auff genommenen Abtrit. *Copia* also balden von gedachten Rathschreiber den Bürgern zugestellt. Darauff sie des Ausschusses/ der Zünfft vnd Bürgerschaft *Advocaten* in ein neben Stuben mit dem Ausschuss gangen/ sich vnterredt/ vnd ein jeder *Advocatus* ein sonder *Concept* zur Verantwortung zustellen angefangen/ Endzwischen aber als besagte *Advocaten* des Ausschusses ihre Erklärung zustellen sich bemühet/ sind die drey *Syndici* der Stadt/ als nemlichen Herr Doctor Christoff Kellner/ Doctor Caspar Schacher vnd D. Caspar Gabriel Kaser zur Stell/ vnd in die Rathstuben getreten kommen/ vnd als sich die Erklärung der Bürger auß jehar gezogenen Ursachen ein wenig verzogen/ haben die Herrn ein Botten erlich an die Bürger herauß geschickt/ ihnen vermelden lassen/ man heue ihr ein noch etwas zu vermelden/ solten es anhören/ könten es darnach mit einander verantworten/ gienge in einem hin. Derowegen die *Advocaten* von ihrem *Concipiren* abgelassen/ vnd mit dem Ausschuss der Zünfft vnd Bürgerschaft beyden *Notariis* vnd Zeugen wider in die Rathstuben getreten/ vnd solches was E. E. Rath noch anzuzeigen vernemen wollen/ hat besagter Herr D. Christoff Kellner zu reden angefangen/ Liebe Bürger genante Ausschuss/ es haben mir meine Herrn ein Ehrveste Wolweiser Rath dieser Stadt auferlegt/ euch vorzuhalten/ wie sie euch kurz hievor ein *Decret* zugestellt/ vnd werdet Euch darauff zu entsinnen wissen/ was zwischen E. E. Rath vnd euch vorgegangen/ vnd dem *Notario* zugestellt/ vnd ihr empfangen haben werdet/ Weils es dann allbereit an dem/ daß Ihr der Schlüssel zu den *Privilegiis*, deren ihr euch anmasset/ begehret/ so liegen dieselbe Schlüssel hie auff dem Stul/ so mitten in der Stuben zugegen/ vnd werden euch  
obere

NOTARIORUM.

übergeben/ Und weiln ihr des fürnambsten Stückes des Regiments  
 euch anmasset/ wollen sie selbige hiemit übergeben/ vnd also das Regi-  
 ment abgelegt haben/ indget ihr zusehen/ wie ihr es hinfür verwalteet/  
 Doch mit der *Protestation*, Ihre fürgame bey der Röm. Keyf. Ma-  
 jest. vnserrn Allergnädigsten Herrn/ von deren wegen Sie allhie dem  
 Rath besessen/ vnd allen Chur- vnd Fürsten des heiligen Reichs auß-  
 fündig zu machen/ wolten derhalben euch hiemit dieselbe übergeben ha-  
 ben/ vnd möchten Ihr dieselbe angreifen/ vnd zu euch nehmen/ auch  
 damit verfahren/ wie euch belieben thete/ vnd zu sehen/ wie Ihr es zum  
 besten verwalteet. Die Schlüssel sind fast mitten in der Stuben/ auff  
 ein tuncfel grünen vierbeintchten Stul gelegt gewesen. Darauf den  
 Schultheys/ Schöffen/ vnd ganze Rath auffgestanden/ vnd der Thüre  
 geraumet/ vnd etliche von den Herren geschrien/ Man solte nun sehen  
 was man gethan hette/ hetten kein Regiment mehr/ vnd eylands dara-  
 von gelauffen/ auch die Schlüssel also auff dem Stul liegen lassen.  
 Es haben aber also balden die Bürger mit heller lauter Stimm ange-  
 sungen/ vnd vmb Gottes vnd des Fürsten Gerichts willen gebetten/  
 Die Herrn wollen sitzen bleiben/ Ihre Erklärung vnd Entschuldig-  
 ung vernehmen/ vnd das Regiment behalten/ sonst da einige Auff-  
 rühr entstehen/ oder vnschuldig Blut vergossen werden/ oder sonst was  
 widerwertigs drauß entstehen solte/ wolten sie Gott den Allmächtigen  
 zum Zeugen anrufen/ daß sie hieran vnschuldig sein/ vnd ihnen dem  
 Rath/ als dan billich zugemessen werden könt/ hierüber zum offtermal  
 mit grossen Geschrey vnd flehentlichem Geberden protestirent/ sich auff  
 ihre Schrifften/ vnd mündlich Handlung gezogen/ hetten keinen Ges-  
 walt begert zu vben/ noch sich des Regiments anzumassen jemals vns-  
 erstanden/ begehrten allein Ihnen das jenige/ was schon etlichmal ge-  
 williget/ widerfahren zulassen. Es seind aber die Herrn alle hinweg vnd  
 die Stiegen hinab gelauffen/ allda es dan einem seltsamen Spiel gleich  
 gesehen/ vnd da Gott der Allmächtige nicht sonderlich verhütet/ alles  
 vber vnd vber gangen were/ endlich als der Herr *Syndicus* D. Christoff  
 Sellner/ vnd der *Stadtschreiber* vñ ein Herr da/ der ander dort/ flehent-  
 lich vom

## I N S T R U M E N T U M.

sich von den Bürgern ersucht worden/dem vor augen schwebenden un-  
 glück vorzubiegen/ der Bürgerschaft sey es noch nie in Sinn komen/  
 das Regiment an sich zu ziehen/ begerten allein die Freyheiten/ wie  
 Ihr Kayf. Mayt. ihnen zu thun befohlen/ zu sehen/ vnd das was ein  
 Ehrwester Rath allbereit vnterschiedlich mahl selber gewilliget/ ihnen  
 wiederfahren zulassen/ Seind die Herrn des Ratho der mehrer theil  
 wiederumb auff den Röhmer/vnd in die vorgemeete Rathstuben kom-  
 men. Vnd ist folgendts durch Vincenz Fettmilch einen Bürger vom  
 Ausschusz vorgetragen worden/ Die Puncten im heutigen Bescheid  
 weren wichtig/ die Bürger würden darinn vbel angezapfft/ müsten  
 sich gebürlich *defendiren* vnd entschuldigen/ Derwegen gebeten die  
 Schlüssel vnd Regiment/ so noch von keinem Bürger nicht begere  
 noch angerürt/ wieder anzunehmen/ vnd der Bürgerschaft erklerung  
 vnd entschuldigung großzünftig zu gewarten/ der gemeine Pöffel sey  
 vngestümme/den könnte man nicht zeumen. D. Keller/ Demnach man  
 zeit bis morgen begeret/ liese man es geschehen/ Doch weren der Herrn  
 viel von dannen/ die zeit voruber/ man vernimt/ das die Bürger nicht  
 gemeint in das Regiment zu greiffen/ noch der Schlüssel sich anzumaf-  
 sen/ sondern der gemeine Pöffel sey vngestümmt/ Derwegen begehrte  
 man sich von denselben abzusondern/ vnd welche es nicht mit dem ges-  
 meinen Pöffel zu halten gemeint/ Ihre Nahmen durch die *Notarios*  
 auffzeichnen zu lassen/ die Pforten Schlüssel würden Morgens hinaus  
 auß getragen/ aber nicht wieder hinein/ Doraus nicht anders zu ers-  
 achten/ dann daß das Regiment dardurch der Obrigkeit genommen  
 seye/ hetten sie nun die Pforten Schlüssel/ welches das fürnehmste  
 Stück des Regiments/ so solten Sie das Regiment vnd diese Schlüs-  
 sel auch zu sich nehmen/ bey einem solchen Mißerawen wüßte man  
 lenger nicht zu stehen/ wiederholten vorige *Protestation* wolten es die  
 Jentige verrichten lassen/ Man bemühet sich einen vnd den andern  
 an sich zu bringen/ Wie dann aller erst meiner Herrn Diener/ einem  
 Soldner Jacob/vnd Burgermeisterknecht Georgen/ zu gegen/besches-  
 hen/ das Partheyen/ Obrigkeit vnd Bürger mit einander *disputiren*  
 solten/



NOTARIORUM.

solten/ sey nicht herkommen. Vincenz Fettmilch/ als welcher beschuldiget/ mit bemühung an sich etliche *Zeit* en/ sagt hetts auß Befehl der ganzen Bürgerschaft gethan/ Der Pforten Schlüssel wegen möchte man die Pforten Schliesser selbst abhören/ wer es jm befohlen/ Er wüste von dergleichen nichts/ vnd hat Ein Ehrvestor Rath die Schlüssel wieder zu sich genommen/ vnd darmit also dieser *Actus* beslossen worden. *Presentibus* Bodeckers/ Maleparts/ Braun vnd Holndorff.

Entzwischen/ weiln solches in dem Römer vorgangen/ ist ein grosser Aufflauff durch die ganze Stadt von dem gemeinen Mann/ welcher sich ober diese vnversehene *Abdication*, vnd Zuschlagung der Römer Thüren höchlichen bestürs vorgenommen worden/ deren ein Theil wie man hernach vernommen/ zu den Thoren vnd Stadts Pforten gelauffen/ dieselbe verschlossen vnd zugeschlagen/ Ein Theil zu dem Geschütz auff den Wählen geeylet/ dasselbe geladen/ ein Theil die Ketten an den Gassen vorgeschlagen. Es seind auch auff der Zeit/ zwei Wagenburcken in der Eyl geschlagen worden. Viel haben sich in Rüstung begeben/ Ihre Häuser zu geschlagen/ die Kram Läden zugemacht/ vnd also alles zimlich verworren zugangen/ Aber doch Gott Lob/ nicht ein Mensch beschädiget/ noch beleydiget/ viel weniger ermord/ noch vmbkommen/ auch keinem Menschen ein einiger Heller oder Pfennig nicht entwend oder entfrembt worden.

Fast ober ein Stund oder anderthalb nach solchem/ ist der Rath/ auff etlicher gutherriger Leut Erinnerung/ wieder zusammen getretten/ den Ausschuss in Römer zu sich erfordert/ darauff derselbe wieder vmb zusammen kommen/ vnd gehorsamlich erschienen/ vnd mit den zweyen *Advocaten*, *Notariis* vnd Zeugen/ in Römer sich eingestelt. Vnd hat besagter Herr D. Keller im Namen eines Ehrvesten Raths begehrt zu wissen/ Ob nun mehr die Bürgerschaft dem *Decret* gemess sich mit vertraumten vnd verschwiegenen Leuten *qualificirt*, weiln man also ein *E. E.* Rath erzeuge/ Die Herrn Deputirte weren mit den Schlüsseln da/ solten diejenige angeloben/ welche der *Edition Privilegiorum* beywohnen solten.

D

Dar-

# I N S T R U M E N T U M

Darauff Doctor Hefler und Spielmann Ihrer Person halber protestirt, vnd da man sie darbey leyden möchte/ dem Herrn Burgersmeister anzugeloben sich erbotten/ Doch darbey vermeid/ Ein gemeine Bürger schafft wolte nieman zwingen/ vnd Sie selbstn sich zu Trank oder Zwang nicht gebrauchen lassen.

Doctor Hefler fernet/ Er habe sich gestern gnugsam erklärt/ wosern nun seiner Person verdacht färsallen/ oder er darbey nicht geduldet werden wolt/ oder auch dem Vaterland zu Nachtheil gereichen solt/ müste er leiden/ daß ein ander an seine Statt genommen werde/ er wolle gern davon bleiben/ vnd vngern Beförderung darzu thun/ oder Patrocinium leisten/ als wann Er oder die Bürger schafft sich darzu tringen/ oder etwas durch Zwang wieder die Obrigkeit farnehmen wolten/ wie ihnen wolle zugemessen werden.

D. Keller/ Man sehe in sie beyde *Advocaten* kein *Differentz*, stehe nicht bey ihme/ sondern bey der Bürger schafft/ vnd dem Ausschuß zu erklären/ habe ihrer Person halber kein Mangel.

Zeitmilch protestirt, in Namen der gangen Bürger schafft ebenamessig/ daß sie nichts gezwungen thun oder haben wolten/ Die Bürger schafft wolte den Namen nicht haben/ daß es ein gezwungen Werk sein sol. D. Keller/ wolle nicht disputieren die *verba*, obs heiß Bitten oder Zwingen/ bey Tag vnd Nacht also hauffen weiß herein zu ziehen/ obs bey dem alten Stand vnd Wesen/ oder nicht verblieben sey.

Spielmann protestirt *uti supra*. Doctor Keller gehe auff die *Supplicationes* vnd *Decreta*, bey Tag vnd Nacht Convent haben/ starcke Bestellung der Wacht/ an allen guten vertrauen das Wiederspiel/ an sein Ort gestellt/ doch der gestalt/ solt anders gedeutet/ vnd zu Nachtheil *divulgirt* werden/ so lasse es ein Erbar Rath die verantworten/ durch welche es verursacht. Spielmann/ Niemand zuzwingen/ wollen ehe die *Privilegia* nicht sehen. D. Keller hetten die *Privilegia*, so viel die Bürger schafft belangt/ gewilliget/ hetten keinen andern Befehl/ köntens andere Leut erkennen/ ob es gezwungen/ &c. liesse die *Protestation* auff seinem Wehre vnd Anwehre beruhen.

Darauff

NOTARIORUM.

Darauff Herr Spielmann vnd D. Hefler *de fide & silentio praestando*, dem Jüngern Herrn Bürgermeistern *stipulirt*, vnd mit Handtastung angelobt/ vnd ist man also balden in folgender Ordnung/ dem Leonhards Thurn zugangen. Als erstlichen Herr Hieronymus zum Jungen/ Herr Johann von Wältheim/ beyde Schöffen vnd des Raths/ Herr Hieronymus Kelner/ Johann Friederich Faust vnd Peter Huit/ alle drey des Raths/ Herr Doctor Christoff Kelner der Stadt *Syndicus*, M. Jodocus Audaus Rathschreiber/ beyde Eines Erbarh Raths *Notarii* sampt den Zeugen vnd erliche Eines Erbarh Raths Diener. Hernacher von dem Ausschusz/ Wendel Baur/ Herman Kehm/ Johann Königstein/ Johann Saur/ Henrich Artus/ Jacob Kempff/ Melchior Nebenstrauch/ Caspar Göttinger/ Jacob Sorg/ Philips Keyffisen/ Michael Wilhelm/ Philips Ludwig Happ/ Georg Fischer/ Abraham Henn/ Hans Eppel/ Ulrich Geußler/ Henrich Lindengrün/ Balthasar Creusenacher/ Johann Harff/ Conrad Zol/ Friederich Seyß/ Peter Richter/ Hanns von der Linden/ Lorenz Mohr/ Kilian Sofert/ Vincenz Fettmilch/ Nielas Rüsch // Jonas Rosa/ Wendel Stahl/ Johan d'Empereur/ Johann Eulner/ Hans Ortlepp/ Conrad Bestetter/ Christoff Merckel/ Daniel Doussart/ beneben Ihren beyden *Notarien* vnd Zeugen/ Dad als die besagte Herrn *deputirte*, sampt vngeschr von der Bürgerschaft ein Person oder zwölffen/ auff den Thurn von an gewöhnlichen Orth kommen/ vnd auffgeschlossen werden sollen/ Hat M. Audaus im Nahmen eines Ehrvesten Raths/ vor dem *Notario Bendoro* *protestirt*, Im Fall etwas der Bürgerschaft nachtheiliches oder gefehrliches darauß entstehen solt/ entschuldiget zu sein Ihnen vermahnt/ alles *ad notam* zunehmen/ vnd eines oder mehr *Instrumenta* zuverfertigen vnd mit zuhehlen. Hingegen Herr Spielmann wegen des Ausschusses der Zünfte vnd Bürgerschaft vorige vund heutige *Protestation* wo fern da solches solte gedeutet oder gwend werden/ ob weren diese *Privilegia* mit Gewalt herausgetrungen/ *repetirt*, vnd darbey *protestirt* vnd erklärt/ das Sie auff solche Weis mehr berück

## I N S T R U M E N T U M

*Privilegia* ganz und gar nicht begert noch solche anzunehmen g. sin-  
 net sein) ons *Notarios M. Prennern* und *D. Paltzenium* sampt den Zeu-  
 gen ebenmessig erinnert und gebetten / solches *ad notam* zu nehmen /  
 und omb die *acpür ebenmessige Instrumenta* zu verfertigen / und nie  
 zu theilen. *M. Audaus* ließ diese *Protestation* auff *Ihrem* werth und  
 unwertch beruhen / dieweiln *E. Ehrnvestor Rath* nicht nurent einmal /  
 sondern zu unterschiedlichen mahlen *Zünfft* und *Bürgerliche* / auff  
*Ihr* anhalten und begeren / Die *Edition* der *Bürgerlichen Privilegien*  
 gewilliget. Als wolten sie darzu schreiten / und was weyters darbey  
 vorgehen würde / zu *prothocolliren* und *adnotiren* erwarten. Herr *Spiel-*  
*mann* repetirte nachmals der *Bürgere* sciltten *Protestation* / dabey *Sie*  
 es nachmals bewenden liessen. Ist darauff der *Schanck* durch *M. Aus-*  
*daum* geoffnet / und die *Registratur* / welche weylant *Jacob Brdan*  
 ein *Stadtschreiber* / so ungfehr vor fünffzig Jahren gekbt / gestellt /  
 vorgelegt / und doraus die *Kisten* / darinn die *Privilegia* verwahrt / nach  
 einander besichtiget / und von *Lit. A. B. C. usque L.* sampt einer kleinen  
*Schachtel* notirt, alle wiederumb bis auff *A.* und *B.* reponirt, und bey  
 de *Kisten A.* und *B.* in *Römer* / in voriger Ordnung wie man auff den  
*Thurn* gezogen / getragen / In der grossen *Rathstube* oben auff nie-  
 der gesetzt / Dannen bis auff den morgigen Tag / in das *Beweld* auch  
 oben auff reponirt worden / und also dieser heutige Tag und ganze  
 Handlung beschlossen / Jeder man heimgangen / auch die *Runde* und  
*Wachte* durch Herrn *Ulrich Newhausen* / des *Raths* / als *Zugherren* /  
 mit den *Bürgern* die zukünfftige Nacht zu runden / weila die fremb-  
 den *Soldaten* noch nicht abgedanekt / und allerhand fernere ungemach  
 zuverhüten / bestellet worden.

Geschehen seind diese Ding / im Jahr Christi / *Indictione*, *Keyf.*  
*May.* *Regierung* / *Monat* / *Tagen* / *Orten* und *Enden* / als droben  
 allenthalben vermeldt worden. In beysein der *Erlen* / *Ehrnvesten*  
 und vornehmen Herrn *Johann von Bodeckh* / Herrn *Niclas Males-*  
*perts* / Herrn *Andre Holstorffs* / und *Hieronymi Brauns* von  
Nürnberg /

NOTARIORUM.

Nürnberg/ aller vieren Beyfassen allhie zu Franckfurt am Mayn/  
als hierzu insonderheit erbettenen Zeugen/ 2c.

Vnd demnach Ich Magister Sebastianus Prenner Bauarus von  
Deckhendorff Regenspurger Bisthumbs ein offenbarer vnd am  
Hochlöblichen Kayf. Cammergericht approbirter vnd immatriculir-  
ter Notarius Bürger zu mehrbesagtem Franckfurt am Mayn/ bey obs  
einverleibter Requisition, Recapitulationen, Protestationen, Reservatio-  
nen, Publicirung vnd Verlesung des am siebenden Julii publicirten  
Decrets, vnd exhibitione Privilegiorum, auch allem anderm/ so droben  
vermeld/ mit sampt meinem Collega D. Zacharia Palthenio Notario, den  
andern beyden Eines Ehrndesten Rathes Notariis vnd den Zeugen zu  
gezen gewesen bin/ alles erzelter massen gesehen/ gehört vnd vernom-  
men/ auch Protocollirt. Als habe Ich beneben ermeldtem meinem  
Collega dieses Instrument darüber begrieffen vnd extendirt. Folgendis  
anderer Geschafft wegen verhindert/ durch meinen Substituten auff  
Zehen vnd ein Viertel Pourmenten Bletter ingrossiren lassen/ Ich  
aber selber beneben meinem Collega collationirt, vnd  
mich mit eygnen Händen/ Lauff vnd Zunahmen  
vnterschrieben/ vnd mein gewöhnlich Notariat Signet  
drunder gezeichnet/ solches zu eröffnen vnd zu bes  
kräftigen. Zu allem beneben meinem Collega vnd  
vermelten Zeugen insonderheit gebetten vnd erbeten.

Demnoch auch Ich Zacharias Palthenius der Rechte vnd  
Philosophia Doctor, auß des Heiligen Reichs Stadt Friedtberg in  
der Wetterau/ Dioceseos Moguntinensis erbohren/ offenbarer von  
Kaiserlicher macht creirter Notarius, Bürger vnd Librarius in obges  
dachtem Franckfurt/ von obgesetzten samptlichen der Zünfft vnd  
Bürgerschaft/ so wol Teutschen/ als Wahlen vnd Niederländern/  
Ausschuffen/ solemniter requirirt, subarrhirt vnd erbetten/ beneben  
denen in gegenwertigen Instrumento ob vermeldten Zeugen/ in dem

D iij

Röhmern

# INSTRUMENTUM NOTARIORUM.

Römer gungen/ vnd der Tractation de modo & forma Privilegia eden-  
di, Recapitulationen, Reservationen, Protestationen, Publication des aus  
siebenden Julii gegebenen Decrets, wie auch Hinlegung der Schlüßel/  
beschehener Abdication vnd Abdanckung des Regiments/ vnd allen  
fernerem Verlauff/ so wol vnten/ als oben/ im Römer selbst beyges  
wohnet/ wie nicht weniger in Abholung der Privilegien von dem  
Thurn/ vnd deren bewilligten vnd effectuirten Communication, bene-  
ben den obgenanten/ so wol meinem Collega M. Sebastiano Prennero,  
vnd vnsern/ als andern Eines Erbarn Kathis Notariis vnd Zeugen/  
persönllich zugegen gewesen/ alles/ wie obgemelt/ mit Ohren angehört/  
vernommen vnd protocollirt, als hab beneben meinem Collega dieses  
gegenwertig offen Instrument, verfertigen vnd extendiren helfen. Her-  
nach aber wegen anderer Geschäfte vnd Impedimenten durch meines  
Collega Substituten auff Zehen vnd ein viertheil Bletter ingrossiren  
lassen/ Ich auch beneben ehergenantem meinem Collega collationirt vnd  
auscultirt, Mich mit eygenen Händen/ meinem Lauff/ vnd Zunah-  
men unterschrieben/ vnd mein gewöhnlich  
Notariat Signet auffgetruckt/ solches damit zu  
eröffnen vnd zu bekräftigen/ zu obgesetztem  
allen/ beneben meinem Collega vnd vermelten  
Zeugen insonderheit gebetten vnd erbet-  
ten / 26

E N D E



Gedruckt im Jahr M. DC. Xii.

77  
ms  
ell  
len  
ges  
em  
tes  
ro  
nl  
rtl  
ies  
ra  
ca  
en  
nd  
ho



AK Tm 3275

Wm

Mü






IN  
N. M. II, 250  
H. 55, 8

Di

Die

Ma



**Kodak**  
LICENSED PRODUCT

**KODAK Color Control Patches** © The Tiffen Company, 2000

Blue Cyan Green Yellow Red Magenta White 3/Color Black

NTVM  
VM.

II n  
3275

Canckfurt

X 1503410

ct /

unication der  
angend.



erenne Deo. 1612.

